

Zhvillohet takimi i katërt i grupit të punës së projektit LAIA- Laboratories of Artificial Intelligence in Albania and Kosovo në Universitetin e Elbasanit

Në Universitetin e Elbasanit “Aleksandër Xhuvani” për dy ditë radhazi u zhvillua takimi i katërt i grupit të punës së projektit LAIA – Laboratories of Artificial Intelligence in Albania and Kosovo, i financuar nga Bashkimi Europian përmes programit Erasmus+.

Në këtë takim morën pjesë partnerët nga Shqipëria, Kosova, Greqia dhe Danimarka, të cilët diskutuan mbi ecurinë e projektit dhe hapat e ardhshëm drejt zhvillimit të programeve moderne në fushën e Inteligjencës Artificiale.

Rektorja e Universitetit të Elbasanit, Prof. Dr. Elvira Fetahu, vlerësoi rëndësinë e projektit për forcimin e kapaciteteve akademike dhe krijimin e mundësive të reja për studentët dhe personelin akademik, duke theksuar rolin e bashkëpunimit ndërkombëtar në këtë proces.

Partnerët prezantuan rezultatet e deritanishme dhe objektivat që do të udhëheqin fazat e ardhshme të projektit.



